



**Ассаламу гялайкум, дубурлантти!**

# ШИЛА ГІЯМРУ

## СЕЛЬСКАЯ ЖИЗНЬ



Дахадаевла районна жамигІятла - политикала газета

№ 9 (8447) 2021-ибил дус.

Мартла 5. ЖумягІ.

Багъа 12 къуруш 32 кепек

# Байрамличил, ахІерти хьунул адамти!

**Байрамличил, хІурматла хьунул адамти!**

Халаси хІурматбирес лайикъти ва хІялалли гІямру дуркІути Дахадаевла районна хьунул адамти! ХІуша уркІи-уркІиларадли мубаракдирулрая хакъани-ургабси 8-ибил мартличиб дурабуркІуси хьунул адамтала байрамла БархІиличил!

ХІушаб гІяшулгъуна къаркъагъуна чІумаси арадеш, кахІебурхуси талихІ, хъалибаргуназир гъарбизуни ва иш дунъяличир диэс дирути лерилра гІяхІдешуни диубли дигулра. ХІушала гІямрулизиб гъачамалра ва сегъуналра пашмандешла бархІи мабиаб ва балгунси анкъилизиб талихІла ва



игъбарла лами даимлис ванали калаб.

Район гъалабахІ ба-шахъес багъандан бузерилизир сархибдешуни дирахъули, гъарил бархІи игъбарли парчбикІахъули, хІулкІули хІердиабая хІурматла нешани, рузби, рурсби ва гІямрула марти гъалмагъуни.

«Дахадаевла район»

МО-ла бекІ

Жаруллагъ

ГІямаров



**Датабая хІулкІули**

Дусла бегІлара жагал Манзил саби атхІебла, ИлхІелину башуси Нешанас, рузбас, ... байрам.

БегІ гъалар гъардакІибти Луга нешанас вавни, БиштІати ва халати Дубурла лачинтани.

УркІила урхъулизир МяхІкамли хІердирути ИлхІели гъаргдирули, Диги дуртІу дурхІнани.

БиштІатас гъанарули Иш дунъя бергурсиван Нешла малхІямдешлизи Бирар бахъ талихІчебли.

Рузби, рурсби лебтани ХІулкІули хъябруцурцу, Илдас талихІ булгули Зубартачи ахъбурцу.

Лебил дунъя цахІнабли ИлхІели шадли булхъан, Бацра БерхІира илис Разили икрамдикІар.

Неш, рузи, гъалмагъ, рурси - Жагатил дугъби сецад, ГІямру дунъяличирти Някъбазиргу илдала.

Дерхъабая, ахІерти, БерхІиб анхъла щедешван, МалхІямдеш хІушазирти Ухаб берхІила нурван.

Лерил ГІямру хІушала Шурдхъаб байрамличи, Удир даршуси закла Дулхъесли биштІатачил.

## ХІебла ризкъи дегІес хІядурбикІули

«ХІеблизив вьлхъунсила гІебшнилизиб уси ризкъили бирцІур», - бикІули бирар дубурлантти. Марлира, хІебла замана сакІубли узалли, гІебшнилизир сархути ризкъила ва щедешла сабухъуни давла-черти дирар. Илгъуна хІекъдешличила ункъли балуси саби Дахадаевла районна руководстволира шимала зяхІматчибанира.

БурахІелли, ишди бурхІназиб районна шила хозяйствова хІянчизарти авлахІеличир хІебла хІянчи дурадуркІес бехІихъили саби.

Авлахъуначир дурадуркІути хІянчи ункъли детер-хахъес багъандан ва сархути ризкъила сабухъуни планнизир чедаахІибтачир камли хІедиахъес къайгъилизиб саби районна зяхІматчиби. Гъанналаур дарес хІяжатти лерилра хІянчи ункъли хъараахъурли сари. АрцІичил гІердурцила тяхІурти пикрилизи касили, агротехникалашалти тІалабуни хІясибли, лерилра хІянчи дурадуркІили сари. МицІираг хІердирути мер-мусаличир хІебла ризкъи делгІнила план 400-

500 гектарла саби. ВегІдешла хозяйствобазир хІебла ризкъи делгІути сари 500 гектарличи.

Муниципалитетлизир 48 трактор лер. Илдазирадли 8 мегъла хІулрумачилти сари, 40 – цархІил журала сари.

Мегъла хІулрумачилти 5 трактор бузериличи хІядурли сари, 3 биалли, ремонтдирули сари. ЦархІилти тракторти лерилра хъумачи дурас хІядурли сари. Хъумачи дек дихес хасдарибти машинабазирадли 4 бузериличи хІядурли сари, 4 биалли, ремонтличир сари.

2021 ибил дуслизир хІебла замана дегІес хІяжатти хъуми гІебшнилизир даци хІядурли сари. Аргъ-бархІила къулайагардешуначирли гІебшнила ризкъи дегІес бетаурси ахІенри ва гъанна хІебла ризкъили илди хъумира делгІес гІяхІси хІядурдеш леб.

Саби-бегІти хозяйствобазирра жигарчерли детурхули сари ризкъи дегІес хъуми хІядурдирнила хІянчи.

Информационный центр.

ПатІимат Къурбанова.

## ГІяХІдешуна руртІес хІерумсуси

Бибалаева ГІяйшат Кърбановна рузули сари МяхІячкълалала дурхІнала 2-ибил поликлиникализир бекІ медсестрала. ГІяйшат аклубси сари Дахадаевла районна Трисанчила шилизир кайзурси дубурлан Къамбулатла Кърбанна хъалибарглизир. ГІяйшатли риштІахІейчирадли къасбариб тухтур ретаес ва МяхІячкълалала медучили-

щелизи карерхур. Илаб белчІуди хъараахурли гІергъи, Вихърила шилизир тухтурли рузескарииб. КІел дус илаб хІянчи барили гІергъи, сари аклубси шилизи чаррухъун. ИтхІели Трисанчибси медпунктли Зубанчила ва Журмачила шимала халкъла арадешличира хІеруди бирусии. ИлхІели ГІяйшатла мурул Бибалала МяхІяммад Астраханна ми-

лицияла школализив илалал макъалаби республикала деклар-декларти газетаби-журналтазир дурадулхъули дирар. Даргала-цунра ахІи, Дагъиста жамигІятла гІямрулизир жигарла бутлакъяндеш дирусии ГІяйшатлис ил ралутани дахъал сари багъишладирути назмуртира. Илдазибадли гъанбуршехе «Халкъла ургар чериуд» бикІуси илала гъамси юлдаш поэт Хамис Маллаевани белкІунси:

1985 ибил дусличирадли Бибалаева дурхІнала поликлиникализир ункъли рузули сари.

ГІяйшат Кърбановнала асилси бузерилис бикъри-деш дирули сари «СССР-ла медицинала хІурматла хІянчизар», «СССР-ла арадеш бихІнила отличник» ибти ва цархІилти хІурматла уми деднизира.

БегІтиван хІурматчебти ва багъудичебти саби дурхІнира. Трисанчила урга даражала школала директор сари Алёна, Идрис историк сай, Эльмира МяхІячкълалала Ленинский районна хІянчизар сари.

ГІяйшат гІяхІси тухтурцун ахІен, ил пагъмучерси поэт ва журналист сари. Илала назмуртала чумал жуз дурадухъи сари. Мурталра

школализив илалал макъалаби республикала деклар-декларти газетаби-журналтазир дурадулхъули дирар. Даргала-цунра ахІи, Дагъиста жамигІятла гІямрулизир жигарла бутлакъяндеш дирусии ГІяйшатлис ил ралутани дахъал сари багъишладирути назмуртира. Илдазибадли гъанбуршехе «Халкъла ургар чериуд» бикІуси илала гъамси юлдаш поэт Хамис Маллаевани белкІунси:

ЦІябсиван, буцибсиван ХІясиббирид БерхІи икІ, Инсантачил варгадли Излумала малаик.

Мерслизирван, уркірухъи, Урехилизир рируд, Къудратла ВегІлизибад Бусравбирули умут.

Уркіи бетахъахъили РемцІурли умцІусиван, Халкъла ургар чериуд ГІязабти дулцІусиван.

Хъябштас, излумазибтас Сарри хІу зухІяла бац, Малаик варх левсиван Саркъили сар баркъ-бац.

Къияндеш-дардлизибтас Сарри хІу дарма гІиниз, БуцІарли цІумбикІутас ТяхІуи чІяхІбиуб бириз.

Сабабла кІа-дарманна Дугъбачил регІрарили, Язихъгачи Аллагъли Сарри хІу гъамрарили.

ЗягІипти бархъбатадли, Ну вархъвалтулра ибси, Бургар, марли, Аллагъла ХІуни гІама аргъибси.

Заклизи бусрав барра ТимхъбикІули калахъес, ХІела гІяхІличи хІертас ХІу кумекли риахъес.

ГІяйшат Кърбановнас, 8 ибил мартла халкъани-ургабси хъунул адамтала байрамличил бархбасахъи, чІумаси арадеш, гІямрулизир гъатІира дахъал гъарбизуни, дурхІнала талихІ ва дунъяла лерилра гІяхІдешуни дулгехІе. Адамтас хІуни гІяхІдешуниван хІед ЧевяхІсинира баракатла пай бараб.

ПатІимат Кърбанова



## МалхІямти хІял-гІабигІят пешкешдарибтив чили?

Сагал дуслизиб дурабухъунси «Замана» газетала І-ибил бяхІлизиб ПатІимат Мирзаевала «ГІяхІладли бякъун» макъала чедибирхъуліели, урегал хъунул адамла саркъибти суратуни набчи хІердизур. Алгъай шайчирад авэсил хІяндешли клапІрарибси хъунул адамла ряхІла сипат тянишсиван гъанаур. «Аминат Чамсулвараевна ахІенара иш?» -- къизбухъун пикри бекІлизи. БучІулра макъала «РиштІахІейчирадал Аминат Чамсулвараевна рузбачил колхозла хІянчилизи ахъибсири...»

Ил суратли ну 1993-ибил дуслизиб вагъариахъубра. Дагъистайзир «Учитель года» абзани дехІдихъибти сари 1991-ибил дуслизир. Ил дуслизиб нушала районнизивад илди абзаначи вархъибсири СутбукІла школала математикала мугІяллим Маллаев Рабазан.

1992-ибил дуслизир итхІели рай-ОНО-ла заведующийли узуси пергер историк Хасбулатов Хасбулатли бутлакъяндеш дарибтири. Яргаличилси 1993-ибил дусра дузабличи дурабухъун. ХІера, ил дуслизиб илди абзаначи вархъибсири нура. Наб гъалаб бякъунтала хабар хІясибли, вегІла опытличила презентациялис докладра белкІес гІягІнисири, чули чебаахъибси школализиб ца дарсера кабихъес хІяжатири, кадатурти суалтас жавабтира, гъарилтас чуни къадрдарибти балланира кадалтутири.

КъантІ-къантІли дурадуркІуси мерличила, тахІяр-къяйдаличила

тянишварили, бехІбихъибсири дила «сукъур» абз. СяхІ хІясибли, лякъбутала лугІи 35-личи абикибсири. Дила руководитель сайри ГІябдусаламов Албури Албуриевич. Университетлизив учІухІели, илини дарган мезла ва языкознаниела лекциябира делчІунтири. Пайдаладиэсти насихІятунира гІердурили сагъсаламатли чарличиб мутІрусван угаварили, пулан школализир дарган мезла учительницани рузули Аминат Чамсулвараевна лерсири. Илала класслизиб саби хІуни дарс кабирхъусин, замана ургаббитІи, тянишии. Дила ихтиллат илини чебирцІахъу. Дебали малхІямси хъунул адам сари. Урехи-урези кисализир датурли, тянишии.

-- Ягъари, 1962-ибил дусличибад бехІбихъили бехІбихъудла классуназиб дарс кабихъибси ахІен, чедирти классуназиб асухІебирусив?

-- Хабарла Буйнакъскла педучилище таманбарибси саби хІуни, бажардииркуд, къасбара, -- къантІдариб руководительли.

-- Се биру? Къабуликира. БикІуливан, дила гІямал аги, чула -- иман.

Ваира учительницачи. Жагали балкъаахъурси класс, някъли делкІунти чебаъла гІягІниахъала. Набра багалабиэси лебара ибси пикриличил лерилра чедидахъира. Ца дублар къиянтигъунти дарган мезла дугъби цалихъла ва дахълихъла формализир черяхІахъили. Илди-ургаб ца дев занзиван къизбухъун: урчи -- урчи.

«Иш девкІун, -- викІулра набзи ну, - чуйнара набра къаршибикибси саби, амма дахълихълизиб «урчи» хІебикІни балас. ИлкІун цалихъла ва дахълихъла формабазиб, бехІсурдеш агарли бузуси саби. лехІахъили батишав яра гъанахъишав? ГъимрукІесара? ГъимрукІалли, дила хІянчи пужхІебиэсара? Пикрумани варгу-дахъулра. Чебуркъубсила -- жайчи, бакІибсила -- бекІличи бикІуливан, гъанихъис ибси пикри минабиуб. Аръа маркаван умугІи дяхІ-някъличилси, дила зилангъуна хъунул адам, сунени ну некІував валусиван, яхши-хушлизи ахъиб.

-- Чидил районнизивад сайри? ВакІнила мурад-къас? ХІечила ца-кІел гъай дурагу?

-- Дахадаевла районнизивад сайра. Бускри бикІуси ши лебси саби, илавадсира. «Учитель года» абзличи вакІибсира. ХІела класслизиб дарс кабирхъуси саби или, Албури Албуриевичли вархъибсира, -- къантІдарра дурути.

-- Иш дус нуни бузахъуси кІи-бил класс саби. Села дарс кабихъес пикрибарилри -- бучІнила, лукІнила? Иличи хІядурдикІес чебиркур кІилисалра.

-- Нуни лукІнила чеббикІилра.

-- БучІнила гІяхІли ахІенара, иличиб бучІахъесалра вирар. ЛукІнила дарсличиб 45 минут...

-- ХІела кумекличибли, дургис дарести. Уруз-урузли ибсири: «Аминат Чамсулвараевнара, дила хІези ца гъатІи хъарбаэси леб: «урчи

-- урчи» - дахълихъ лебси биъниличи ташмишикІулра.

-- Чумра дарган абацІиб иш класслизи, цалинра хІунигъуна пикри гъалахІебихъибхІели, нура чІуркІли риубхъар, батурсири. Вархъли викІулри. Убисис.

Чина хабара терсриэс. Уркіи хІялалси, къиян-жапали дукІли унцван ряркъурси илини баркалла бархли багъахъурсири.

Сабаиб дарсла бархІира. Класслизибти дурхІничиб лехІихъес бакІибти имцІалири. Саби къяртІибаркъ, гІягІнилирив дава гІежала сурат къаршибикес. Ил гъабуцили, классличи дугъаизурсири: се саби иш суратлизибси?

Класс шипІбяргІиб: айхъуру балуси. ИтхІели къалли нуни ванзала удиб вяшбикІуси милякълара бикъулри. ГІела кабибтазирад ца мякъларсилизи шутІрухъун: «Дебали гІяхІли вяшикІули сай. Их суратлизибсилис жаваб битІакІес бажардиикалли, вецІалалра балл кадалтас. Дилара илгъуна пикри саби, чехиб мякъларсилара. Минутуни аркъулри, дурхІни лехІли. Ну къақъали. Доскала гъалав, дурхІнас къақъбарили, кІелра ибан тІул лагІяхІ аили, гІежаливан «меэ!» или гІамадарира. Лебилра дукарбяхІиб, ца рурсили «коза» бизахъур.

-- Сен гъалабал хІеири? -- викІулра разидешли вицІили.

-- Нуни чебаибси «рогатаяри» къалли, -- бизахъур урузриубли.

(Хъарахъуд 3-ибил бяхІлизиб)

## Адамтачи дигичерси

Дила иш белкI бехIбихес дигула «дурашанра шан вирар, шантани шан варалли» ибси буралаличибад. Сен? Сенкун ихтилатлизиб балгунти, делхъ-далайла пергер ушни сабти ХудуцIла шилизирадси МяхIаммадзагьирла Сариятличила



МяхIаммадзагьир ва Патимат чула урши-рурбачил

саби иш белкI. Илини дила шантани децIра, шаддешра дуртIули сари.

Ражабова Сарият МахIаммадзагьировна акIубси сари ХудуцIла шилизир, гIяхIгъабза, неш ВатIан балтахъули ургъули калунси, дахъал дусмазир партийно-советский хIянчи дарибси, ХудуцIла, Къункьила Дуахъарла школабала директорли, КПСС-ла Дахадаевла райкомла организационный отделла заведующийли, партияла райкомла кIибиб секретарьли, шила хозяйствова управлениела начальникли узули калунси, гIергъити дусмазир биалли, пенсияла гIямруличи ваайчи ва илала гIергъира, ХудуцIла школализив чеалкIуси наслу багъуди-бяркъличи бикахъес сунела цакабани ахIерахIедарибси, сунела у ишбархIи декларIарти шимала вецIалцад адамли бихуси, сунела гIяпабаркъ, Ражабов МяхIаммадзагьирла ва Неш-игит ХIяжиева ПатIиматла хъалибаргIизир.

Пергер хъалибарг саби илдала. Цаличи ца дигичебти уршиб рурсби акIуб илдала. Илдас гIяхIси бяркъ бедес бажардибикиб МяхIаммадзагьирра ПатIиматра. ДурхIнани бегIтазирад пергер къиликъуни гIе-

расиб. Лебилра илди адамтачи дигичебти, къияндикибсилес кумекла някъ гъабатес къалабабикIути пергер адамти саби. ВецIалра урши-рурсилизирад ца, сунела гIяпабаркъ, хапли зягIиприкили, итил дунъяличи аррякъун. Ил лебилра тухумлис

булан халаси децI сабри.

Бахъал дурхIни лебти хъалибаргунни дебали дархдалгунти, цала итил-ла хIурмат-хатир дирутили бирар...

Дила иш белкI МяхIаммадзагьирхъала рурсбазирад цаличила -- Сариятличила саби. Сарият акIубси сари 1957 ибил дуслизир. ХудуцIла урга даражала школа гIяхIти къиматуначил таманбариб. Северная Осетияла вачарла техникумлизид имтихIан дуциб, илаб гIяхIси багъуди касиб ва дипломличил Дагъистайзи чаррухъун. МахIячкъала шагъарла бегIлара халаси тукеннлизир -- ЦУМ-лизир рузули калун. 1979-дусличирад биалли Сарият ГIяшти-ла шила Советла исполкомла секретарьла къуллукъличи каратур, лерилра сунела цакабани ибкъаили рузес рехIрихъиб. Сариятлис къадарбиуб пергер хIянчизар, халкъличил валикибси ва халкъла шайзибад халаси хIурмат сархибси, сунела гIяпабаркъ, Ашамайла ГIяли-чил рарх рузес. ГIяли ГIяштила шила Советла исполкомла председател сайри. Рузрарузули, Сариятли заочно Дагъиста пачалихъла университетла исторический факультет таманбариб. Сунела дудеш МяхIаммадзагьирла Северная Осе-

тиялизиб исторический факультет таманбарибсири.

1986-ибил дуслизир багъудичерси, дагъричерси ва гъар биру-балтусилизир черетаибси гIяхIси хIянчизар сарливан, Сариятличи халаси игъдибар бихъиб -- иличи партияла Дахадаевла райкомла инструкторла къуллукъуни хъардариб. Сариятли 1990 ибил дуслизиб дила шан мугIяллим Къурба МяхIаммадличил сунела къисмат цабариб. ИлхIейчирад ХудуцIла шилизирадси Сарият дила шан ретаур.

Гъаланачи Сарият «Гъуладти» совхозла профсоюзный комитетла акъуратурси председателли рузи, 1980-ибил дусличирад биалли, ил шила администрацияла секретарьли рузули сари. Рузулира ибхIели, сунечи хъарси чебетаахъили ва халаси устадешличил бирули рузули сари...Гъуладтила шила администрациялизи кабурухуси Мирзидтила шила шантанира илала халаси хIурмат бирули саби, сенахIенну ил хIурматличи лайикърикибси пергер хIянчизарра сари, дубурлан хъунул адамра сари. Адамтала хIурмат хатир дирес къайгъилизир рирар Сарият. Чумилра шанна мурад бариб илини. Ил багъандан шантани Сариятлис баркалла бикIар.

Гибратчебти гIашбатурли сари Сариятли администрациялизибси



Сарият сунела урши Имамличил ва узон-рузевла уршбачил

сунечи хъарси хIянчи. Ил багъандан ахIенрив гъатIи илис 2000-ибил дуслизиб «Муниципальный хIянчила рурибси хIянчизар» ибси хIурматла у бедибси...

МяхIаммадла ва Сариятла чучибад акIубти кIел дурхIяра леб. Неш-дудешлизибад гъарахъли хIеркаби-рули саби урши Имам ва рурси Издаг. Илди ишбархIи Санкт-Петербурглизиб бучIули ва хIеркабирули саби. Имам Санкт-Петербургла пачалихъла финансунала ва экономикала университетла экономический факультетла 5-ибил курсла студент сай. Издаг -- Санкт-Петербургла акушерский колледжла 4-ибил курсла студентка сари. Неш-дудешгъунти пергер адамти бетарниличил ну вирхулра. Неш дудеш илдачи шадиб башар, илдала белчIуди ахтардибиру, чузибад лябкъуси кумек биру.

БелчIуди таманбарили, Дагъистайзи чарбухъунхIели, илди-ра, чула бегIтиван, пергер хIянчизарти ва халкъла ургаб хIурмат сархес бажардибиркути адамти бетарниличил ну вирхулра.

Арадеш ва халаси талихI хIед ва хIела пергер кулпетлис дулгулра, хIурматла Сарият. Дахъал-дахъал дусмазир хIед черяхIти сархибдешунира диаб нушала шилис ва шантас гIуррара дахъал дусмазир къул-лукъбирахъес.

Ш. М-СягIидов. Гъуладти.  
(Архивлибад).

## (БехIбихъуд 2-ибил бяхIлизиб)

«Меэ!»-ли сархибси балланани дарс кабихънила шайчив цаибил мерличи дуравхъунсири.

Финаллизи дурабулхъути итхIели урегал буилри. Нура илцад гIелакавхъи ахIенри. Калунси ца балбуцири, суалти -- жавабти, урус мезли буралли «блиц». Лерилра суалти гъанхIедиркур, амма ца гIямрула гIямрулис хъумхIертис: «Какое животное задом наперед ходит?».

ГIярала гъаларти къяшми къантIаби диъни багъандан «заяц» бизахъурсири. Саби биалли кенгуру буилри. Байтарман кенгурули финаллизи хIейкахъира.

Кенгурала къантIа къяш хъяб-

шванбики вяхIлизи, гIясили барили хIярш, илхIунра рамквализи. Ва хIела гIязиз жан дат! Бебшилри хIу чинабяхI, чегахъили бягIул хъат дянгаили гIелавяхI. Къадар бурги илгъуна, низгъарла къадагъуна, баласлири чагъана бяхъили, дираси делхъ.

ИтхIели Аминат Чамсулвараевнани наб балгунси балгара ишгъунари:

-- Къасла вегI ахъдешличи айуси сай гъархIели, нагагъ дихIес виалли адамдешра хIяяра.

Нура илис викIулра:

-- МалхIямти хIял-гIабигIят пешкешдариба чили, гушси манзилла

халгIят гисирив къяркъ дусмани? Аминат Чамсулвараевна, хIура нура дургъбала дурхIни сарра.

Итди дусмала хъархъар беркунси саб нунира, таманни дергес хъар хъар къитIлибегI бири читра.

Ахъушан ГIялиасхIяб (нуни бархли лукIулран, чевверхи набчивадли) викIули вирар иши:

-- УркIилав левли гIергъи, къудратла вегI чедивси, Уси бирицIур анкIили, бусрав чейсу уркIили.

Ца вавара хIед сари, азир рангли ухалли,

Ца адамра гъабза сай, азирличи улхъалли.

Аминат Чамсулвараевна, нура

ишбархIи хIуван хIянкаублира. Нуша -ургабси дусмала декларIеш илцад-деклар халаси ахIен -- кIел дус сарри хIу халаси.

ИшбархIира хIед дила балга ца саби: малхIямси, адамтачи дигили бицIибси хIер, уркIила умудеш ва сахаватдеш, чархла арардеш, къумурла эркиндеш муртлисалра калаб хIечил дарх. Умуси биаб умут, уржибси биаб уммат, ахъкабикIули хIурмат, мабиаб чархла гIикъат. Арардеш хIед, Аминат!

БяхIаммад ХIябибуллаев,  
Бускрила ши.

## Баркалла балахъулра

Пергъиси замана нушала улкали халкълис кумекла дебали гЯхІти баркъудлума дирахъес халкълис имканти дедили сари. Дахадаевла районна УСЗН-на хІянчизарти саби илдигъунти гЯхІбаркъуни дирес къайгъилизибти. Буралли, илдани районна мер-мусаличирти шимазибти зягІптас, гъести гЯмурула адамтас, чулахъунас мурталра кумек гІеббиахъули саби. Башар илди районна лерилра шимази ва чули сияхІлизи буцибти кумек хІяжатти адамтачи гъаббикІур, илдас се гЯгІнилил белгибиру ва итмаданал баркъудлумачил, дармунтачил ва малхІямти гъайличил къияндикибти гІеббурцу.

Наб баркалла багъахъес дигулра районна УСЗН-на хІянчизар СайхІят ХІясайниевас. Ил чинаралра хІерузули риалрира, адамтас кумекбарес ва гъариллис риубсигъуна гЯхІдеш бирес балуси адам сари. Ил гЯхІси ва пергерси ХІясайниевхъала хъалибарглизирадси сарину. Иличи кумекбарахъес хъарбарили саби ил рузуси организациали дила мурул Рабазан БяхІмудовлис ва цархІилти гъести гЯмурула адамтас, зягІптас. Сунелара 4 урши ва ца рурси леб. Илдира чула нешгъунти гЯхІбаркъула адамти бетарниличи дирхес дирехІе.

СайхІят дила мурул зягІпикибхІейчирадли ва

илис гъалар нушачи мурталра гъаррикІули сари. Илини гъар шайчибадди кумек гІеббиахъули сари. СайхІят, камти гЯмуруличи хІерхІеили, пасихІти ва гЯкъулула гъай дурес балуси, зягІпсила урки къакъахІебикІахъес багъандан малхІямли ихтилатрикІес устадеш лерси лергер гЯхІси адам сари.

Нуша гъанна дахъал дусмазир Уркухъла шилизир хІердирулра ва мугІяллимтили дузулра. Илкъяйдали, СурсбукІла шилизирадти нушаб уркухъанти гъамтили ва дигутили бетаурти саби. Илала дурабаддира, ну Уркухъла шилизир халараибсира. Дила бегІтира илаб хІербирутири. Нушала дурхІнала ил шилизир бахъал марти юлдашуни леб ва илкъяйдали нуша уркухъантанира чула шантази халдирниличи умутли дицІилра. Рабазанничи дила хІябалра уршилира рурсилра, гъамти-



тухумтира хІеруди бирес къайгъилизирра. Амма илис СайхІятра сунела рурси сарсиван билзули бургар, иличи хІерли вирар ва ил гъамриалли, илини сай сагъвирахъусиван хІулуркІули сай. Илдигъунти малхІямти ва уркІила хІял хІялалти адамтас караматдеш лерти или бурули бирар халкъли. Марлира, СайхІят, бикІуливан, уркІила рухІна каратесигъуна сари. УркІила муррад баабну сунелара сунела къугъаси хъалибарглара. Илдигъунти бирути саби гъарли-марти дубурлан хъунул адамти. Илдигъунтазибадди мисал касес хІяжатли саби жагъти рурсбани ва гІулухъабани.

Дила хъалибаргла ва лебилра сурсбукІантала шайзибадди СайхІят ХІясайниевас ва илала бегІти-тухумтас халаси баркалла багъахъес дигулра илгъуна гЯкълucherси, багъудичерси ва адамтачи дигили рицибси сархІели. Урки-уркІилабадси баркалла биаб хаслира СайхІятла бегІтас илгъуна гЯхІси рурси арикъни ва бяркъличи рикахъни багъандан.

Асият ХІусаева.

## Нешла мезличи диги адилкъуси



Районна школабазиб камли ахІен нешла мезличи диги адилкъути ва бажардичебти мугІяллимти. Илдигъунтала лугІилизирадси педагог Будаева Шарипат Халимбековна гъанна гЯхІцад дусмазир Чишилила урга даражала школализир нешла мезла ва литературала дурсри кадирхъули сабухъчерли рузули сари. Илини бучІахъути дурхІнани чедетаахъили даргала литературала мез далутти сари.

Гъалабван нешла мезанас хасдарили дурадкеркІибти далдуцунала дазурбазир, Дагъистан Республикала миллатла политикала ва динанала баркъудлумала шайчибси Министерстволу Дагъистан Республика-

ла тарих ункъли балнилис хасбарибси халкъанала яшавла ва рухІла культура руркъуси гІилмула викториналичиб цаибил мер буцни багъандан цаибил даражала дипломличил шабагъатларарили сари Шарипат Халимбековна.

Илгъуна мягІничебси анцІбукъличил ва 8-ибил мартла байрамличил бархбасахъи, Шарипат Будаева «Шила гЯмуру» газетала коллективли урки-уркІиларадди мубаракрирули сари. Илис чІумаси арадеш, хъалибарглизир гъарбизуни ва баракат, бузерилизир талихІ диаб.

Информцентр.



## Мартла 3 – халкъани-ургабси писательла БархІи Выставка дураберкІиб

1986 ибил дусличибадди бехІибхили, гъар дуслизиб мартла 3-личиб дунъяла дахъалгъунти улкназиб ва илдала лугІилизиб Россиялизибра Лебилдунъяла писательтала БархІи дурабуркІуси саби. Ил байрамла бекІлибиубсигъуна муррад саби писательлис азадеш лугни ва илала бузериличи гуж хІебирни.

Писательтани чула пагъмула, къаламла ва ишхІелла манзиллизиб компютерла кумекличил халкъли-

чил малхІямли ва пасихІти пикруми гъаладирхъули, бузес балутти саби. Илдала хІурмакІахъубси бархІиличил илди мубаракбарес ва илдас арадешра бузерилизир гъарбизунира дуслици дигниличила багъахъес нушала имкантира лер. Ил байрамличи хІядурдеш бариб районна Уркарахъибси дурхІнала библиотекала

хІянчизартани ва «Перола МЦБС-ла директор Залина бехІлизиб гъира-гъав...» ибси МяхІяммадовани хІядурдариб ва жузала выставка дураберкІиб.



районна писательтасра поэтунасра мубаракла открыткаби дархъиб. Илди саби Аминат Гябдулманопова, Ибрагъим Ибрагъимов, Набигуллагъ Сулайбанов ва цархІилтира.

З. МяхІяммадова,  
Дахадаевла районна шимала библиотекабала директор

## Вакцинаби дирес даимбиубли

Ишди бурхназир Дахадаевла районнизир вакцинаби дирнила хянчи жигарчерли датурхули сари.

Россиялизиб январьла 18-личиб бехибихьб-сири коронавирусличи кяршити вакцинаби

цабиклули саби илгуна вакцина барес дигутала луги. Бег гьалар вакцинаби дарахьиб районна администрацияла хянчизартани.

Вакцинаби дирутани гьала-гьала ахтардира дураберкяхьили, хядурдеш бирули саби.

Административная комиссияла секретарь Мяхяммад

Гяхимадхановли бурни хясибли, ил кахси изайчилси дяви даимбиубли саби ва вегла-ра вегла гьамталара арадеш мяхкамбирнила мурадличил

кел прививка дирнила фазализир процедураби



дирес. 18 дус биубти адамтачибадди бехибихьили, илдала лугилизиб 65 дус биубти ва гьатгира имцали гямру деркибти саби гяхлулатас дирути сари илди вакцинаби. COVID-19 вирусличи кяршиси ил вакцина матгал бируси саби.

Илгуна вакцина бирусил яра хебирусил гьарил адамли сунес дигуси тяхярли масъала ирзуси саби, сенахенну ил сай гяхлулал бирусину.

Гьачамличиб-гьачам им-



дурадербес хяжатси саби.

«Арадешлис урехи лебти адамтас вакцинаби дирнила гяхидешличирли бубкути адматала луги камбирар, больницабас хянчи кункдирар. Амма коронавирус тинтбиклини ташаэс хейрар. Хяжатсила кьадарлизир вакцинаби даралли адамтас, илхели изала ташаэс имканти алкан», - буриб Мяхяммад Гяхимадхановли. Гьанбиркахьехе, 100 дозаличилси цабил партия таманбиубли, гурра 300 доза хили сари.

Районнизиб 65 дус биубтас ва гьатгира имцали дусми деркибтасра вакцинаби дирули сари.

**Информационный центр.**

## «Чедибдеш» ибси хяз дураберкиб

Ишбархила Россияла школабазиб бяркь лугнилизиб кьадричбси масъала саби патриотизмала, улкала тарихличи диги алкахьнила ва цархилти мягиничерти бетуцуни жагьилтази минадарнила шайчибси.

Илгуна масъалала чебкадсилизи халбарес вирар «Чедибдеш» биклуси дявила-спортла хяз, сабира Гяхимадхан Абу-Бакарла уличилси Уркухъла дахьал шалубар гимназияла дазурбазиб гьалабван бетерхурси.

5 — 9 ибти классунала дурхначил ил дигунти далдуцуни дурадуркути сари белчудила дус кабикайчи. Арадешлизиб ну-

кьсандеш агарти уршбани бутлакьандеш дирути сари илар.

Юнармейцыбани шадлихъла аги-хяйзиб хяз бехибихьиб. Командабани чула багьудлу-мира усташра чедиахьулри урегал бутали-зир — эстафета дураберкили, Калашниковла автомат цалабахьили ва бехьубли, гьар-ахьдешличи тяхьбулхьули, цархилти абзани дурадуркули. Илди лерилра далдуцуни хязла журализир дурадуркутири.

Балбуц ункьли бетерхур ва гьарил бутлакь-янчили иргьулри ил бархи «лебилра ца гьбли, ва ца лебилрагьвли» биъни.

Гьарил бутла таманбиубхели баянти кай-улри. Чебетаби журила члентани гьарил секлал пикрилизи кайсулри ва бархьси кьимат бедес кьайгьилизибри.

Судьябас гьамадли ахенри илкьайдали ункьли хядурбиубти дурхнас кьимат бедес. Амма сеннира баянти каэс хяжатлири.

Цабил мер буциб Уркухъла дахьал шалубар лицейла ва Кишала школала командабани, кибибил мерличи дурабухьун Кьялкнила ва Шаласила школаби, хябьибил мер буциб Дуглахьарла школала ва Уркухъла дахьал шалубар гимназияли.

«Жагьилтани дагьес хяжатси саби дявила баркьудлумачи хядуриънила лерилра бетуцуни. Илдигунти хязанани уршбас хяжатти багьудлу-мира лугути сари. Илбагьандан учреждениебала руководительти илдигунти далдуцуназир разидешличил бутлакь-едеш дирес хядурли саби», - бурули саби судьябани.



## АНЦКЪИЛА ХІЕРКІ БЕРЖИБСИ

Шилизир зилантала  
Пахрули ретаурси,  
Миршли арши иршила  
Гьаркья лебта ралуси.  
  
Бахълис гІяхІ-хІуйу рикес  
Къайгъи ахъси, сакІубси,  
МаркІачІилис дег барес  
Рахъ жявли арлзуси.  
  
Неш рири, хабар ахъси

Сабурличил уржибси,  
Дявтала дусмазибцун  
Анцкъила хІеркІ бержибси.  
  
ГІяргІначил лагъни далхул  
Къумурла уркІи кертІул,  
Бизити заб хъатлизи  
Кайкахъили дяхІ ицул.  
  
Батурли сунна бирул  
Унрубас кумек бирул,  
Уркъла гъай цалисалра

Бурили бакъес хІейгул.  
  
Картошка буун цурмас  
Гаша мебкІарти, – рулгул,  
Рири неш дудешличи  
КарцІли шимити хІейхъул.  
  
Сепайда. Ил чархІевхъун  
Цикурли неш хІянуриуб,  
Идбаглаван яхІ-хІя  
Умули ил хІерриуб.  
  
Агара жявилл кІелра

## ШанигІ МяхІяммадов

Цунухъира. Цуръара,  
БиштІатала биштІатас  
Къуллукъчи ветарула.  
  
Урши-рурсилис уми  
Дедира неш-дудешла,  
Жагъдеш – гІямула лами  
ЛамбикІар наб бегІтала.  
  
Жагъриубли лер рурси  
Неш, хІела у бихъибси,  
Амма, хІебалас хІуван  
Ретарарал машгъурси.

## ХІЕЗИБ ДУНЪЯЛА АРИ

Неш дурхъаси малаик  
ГІямула жан кертІибси,  
ГІяламличи дигила  
Ца нушазир алкунси.  
  
МалхІямдешли, дигили  
Къасани алкІахъуси,  
Умутла дуклумачил  
Мурад гьарбилзахъуси.  
  
ХІеруди, гъайла цакъли  
Вайси гъарахъбируси,  
Шадси хІерла бурямли  
ДецІ кункли дугІуиси.  
  
Анкъилабси ванадеш  
ХІербируси неш – хІури,  
Ца хІезибцун дурхъаси  
Гьарзал дунъяла ари.

ХІулбукІибти дурхІнала  
ХІулбукІри чебиули,  
ХІерриаби талихІлис  
ХІулба нургъби кертІули.

## ВАНЗАЛА МЕЗ

Нешлири ванзала мез  
Лерни набзи бурибси,  
Ванзала мез гІяламла  
Давла сарни багъурси.

Хъубзар нешри цаибси  
Хъучиб гъарш каахъибси,  
КІел унц гъайкадарахъес  
Набзи ихтияр гибси.

ИтхІели хъуми пайтли  
ХІедалти ишбархІиван,  
Хъубзури ургубалаб  
АбзбикІи делхълизибван.

ВаяхІра хІядурдири

ГъанкІ хІехъили бузули,  
ГІямулис къацІ хІяжатси  
Сабни гІяхІил балули.

Дяйя бурхІела сабри  
Мезличи ну вяркъурси,  
ДегІ гъалар ниълизирти  
Лугни наб гъадурцуси.

Илабри дуцІрум арши  
ВиштІахІели иршуси,  
Ризкъила чумал къякъли  
Канила хІял биршуси.

Сумаличирти лугни  
ИштяхІличил луцІуси,  
Гъар дус хъу балцухІели  
ХІяри гъарзабируси.

КъацІличи дигилири  
Мезличи карцІварибси,  
Ванзала мезла гІилму

ЧархІлизи мурхъдарибси.

Неш, хІури илди мезлис  
БехІбихъуд кабихъибси,  
Ургуба къацІла хъулчи  
ХІед дигахъен рикІуси.

Сунелайчил дархлі мез  
Илала дагъахъурси,  
Ванза инса гІямула  
Убза саби рикІуси.

## НЕСИ ВАНАРИРИ ЯХІЛИ

Цуръа ахІенра, неш лер  
Анкъани кариили,  
Дявтазивси дудешлис  
Анцкъила ца бикъурли.

Ца алки леб тІякъярли  
Диаб зярхІти махъани,

Шаладариб ил цали  
Нешла гІяхІти хъулани.

СенкІун цІумла иргъула  
Чейула нешла нургъби,  
Саби тикрарбирули  
Илини ца дев, – дургъби.

КъямцІа касили нешли  
КъацІбуциб ца гантари,  
Абалкун цІала лами  
ХІерси ну шадвирули.

Харчизурли хІеръира  
Нешла дяхІличи гІурра,  
Ил хІулрукІили дила  
Някъ буциб. КІапІуцира.

Пашманси харириуб  
Дила гІязиз рикІули,  
Багъурра ванарирни  
Ил цали ахІи яхІли.

## Нешли ретаэс диги

Иш дунъяла ятимтас  
Нешли ретаэс диги,  
ГІязиз нешла хІерлиуб  
Лебил ванали бихІес.

Иш дунъяла биштІатас  
Давла ретаэс диги,  
Давлачебтала дурхІни  
Чус къугъна хІебиркъахъес.

Иш дунъяла ятимтас  
Хан гъуни аэс диги,  
ТанбихІличи аркуси  
ХІябкъяй декларбиркахъес.

Дунъя бицІиб биштІатас  
Къакъбяхъ ретаэс диги,  
Бархъдешлис алкун зубар  
Даим ухахъес диги.

Иш дунъяла ятимтас  
ГІяндан варгъи аасри,  
Дунъя булбути хъябхъя  
Чучи къячхІедикахъес.

Аллагъли дихІябая  
Игъбарли гІердуцаба,  
Рулгула Аллагълизи  
Даахъес мурадличи.

Дашена нешаначи  
Вавнала халубачил,  
Мубаракбарес или  
Байрамла бархІиличил.

Хъябруцбиркур нешани  
Нургъби клантІдикІахъули,  
Дусми ардякъунтиван  
Цаличир ца гъарахъли.

Бац БерхІиван шалати  
Саламти диаб хІушаб,  
Шишимтала ругерти

## Нешанас мубарак

Чемадухъаб хІушачи.

Байрамла бархІилизиб  
Нешанала сакІубдеш,  
Дукла буцес хІядурлин  
Чула гІямула вавни.

Ахъ дубурла гулвазни  
Лякъир дикІаб хІушачил,  
Анцкъила цІябил дирихъ  
Чемадихъаб хІушачил!

Муъминат Жамбалева,  
Уркухъла ши.

## 8-бил Март

Хъунрала байрамличул  
Мубарак дирулрая  
Вавнала халаличул  
Бягъишла дирулрая

Жагъдешла жагадешла  
Мургъе берхІи абухъаб  
Цедешла разидешла  
Бацла шала кабухъаб.

Иш гехІгибил мяртличид  
Мурадличи дааба  
Дунъяла давлаличид  
ПасдикІули калгаба

Узби рузби биштІати  
Батаб гІянури белкъаб  
Дахъал бурхІни шалати  
ДакІесли хІушаб дерхъаб

Пашкин.

## Дагъиста халкъла поэт Аминат ГІябдулманановас!

Дагъиста поэзия  
Шалабарибси шалда,  
Даргала шягІиртала  
ЧеррикІибси тјамада.

Поэзияла гІяршла  
Ахъли арцурси арцан,  
АвцІайчрра имцІали  
Жузи делкІунси дарган.

Востоклизив Хайямван  
Дагъистайзир машгъурси,  
Пирамидан Хеопсла  
Калаби хІурмат ахъли.

ПасихІти адамтала  
ЛугІи имцІабарибси,  
Адаб-хІяя, яхІ-ламус

ЧархІлизир ламдикІуси.

БерхІиван дяхІ шаласи  
Дагъистанкад рашуси,  
Къурьаннизир аятван  
Даргантазир ралгунси.

ХІурмат-хатир черяхІли  
Лерил гІяму дуркІуси,

Къалпла лишан агарли  
Лебтанлра ралуси.

Къар-ваван сагабикІаб  
Дурхъал даргала уммат,  
Гъар замана ахъбикІаб  
ХІед лугул халкъли къимат.

Шайх Рабаданов,  
Урагъила ши.



**Мой ГАЗ**

**ПОШАГОВАЯ ИНСТРУКЦИЯ  
РЕГИСТРАЦИИ И ОПЛАТЫ  
В ПРИЛОЖЕНИИ**

Уважаемые потребители газа!

ООО «Газпром межрегионгаз Махачкала» рекомендует проверить состояние лицевого счёта по оплате газ с помощью «Личного кабинета абонента» в приложении «МойГАЗ».

Для удобства абонентов поставщиком газа рекомендованы возможности безналичной оплаты за газ с помощью дистанционных сервисов. Приложение «МойГАЗ» легко скачать на смартфон или планшет. Также «Личный кабинет абонента» доступен с компьютера или ноутбука на сай-

## Проверить задолженность за газ можно помощью приложения «МойГАЗ»

те поставщика газа ООО «Газпром межрегионгаз Махачкала» - [www.mkala-mrg.ru](http://www.mkala-mrg.ru).

С помощью дистанционного сервиса потребители газа могут не выходя из дома получить информацию по взаиморасчетам, передать показания индивидуального прибора учёта газа (при его наличии), а также произвести оплату за газ.

Для удобства регистрации в приложении предлагается подробная пошаговая инструкция:

ШАГ\_1 - скачать приложение «МойГАЗ» или открыть «Личный кабинет абонента» на сайте ООО «Газпром межрегионгаз Махачкала»;

ШАГ\_2 - регистрируемся с помощью адреса личной электронной почты и десятизначного индивидуального номера лицевого счёта, по которому вы оплачиваете за газ;

ШАГ\_3 - производим оплату. Для этого вводятся данные банковской карты, с которой вы планируете произвести списание денежных средств за потребленный газ;

ШАГ\_4 - для подтверждения платежа вводим одноразовый пароль, который будет прислан платёжной системой на ваш номер телефона.

Многие абоненты беспокоятся об отсутствии бумажной квитанции при совершении электронного платежа. Поэтому добавим:

ШАГ\_5 - проверка совершенного платежа и зачисления денежных средств на лицевой счёт абонента. Загляните после произведённых действий и оплаты в свой электронный почтовый ящик и проверьте получение электронного письма с приложением «информации о платеже». Кроме того, банк, через платёжную систему которого вы совершили платёж, будет хранить информацию о перечислении денежных средств.

Справка:

Версия личного кабинета доступна и в виде мобильных приложений на платформах iOS и Android. Поисковый запрос для скачивания — «Мой ГАЗ».

Получить информацию о состоянии лицевого счёта, произвести оплату, просмотреть начисления и передать показания приборов учёта потребленного газа — при помощи сервиса «Личный кабинет», можно перейдя по ссылке [www.мойгаз.смородина.онлайн](http://www.мойгаз.смородина.онлайн).

### ПРЕСС-СЛУЖБА ООО «ГАЗПРОМ МЕЖРЕГИОНГАЗ МАХАЧКАЛА»

Контактные телефоны: Факс: E-mail: [http://\(8722\) 68-53-51](http://(8722) 68-53-51), (932) 310-60-05 (8722) 68-53-51 [f0050130@dagrgk.ru](mailto:f0050130@dagrgk.ru) [www.mkala-mrg.ru](http://www.mkala-mrg.ru)

## УСЗН в МО «Дахадаевский район» информирует граждан, получающих социальные выплаты по состоянию на 01.03. 2021 года:

**Ежемесячные денежные выплаты на оплату жилищно-коммунальных услуг по категориям:**

**Федеральные категории** (инвалиды, дети-инвалиды, семьи погибших военнослужащих, участники - ликвидаторы аварии на ЧАЭС)- выплаты произведены за февраль 2021 года.

**Специалисты на селе** (педагогические работники образовательных учреждений, медицинские работники, социальные, ветеринарные работники и специалисты культурно-просветительных учреждений) - выплаты произведены за февраль 2021 года.

**Реабилитированные лица** - выплаты произведены за февраль 2021 года.

**Многодетные семьи** - выплаты произведе-

ны за февраль 2021 года.

**Ветераны труда** - выплаты произведены за февраль 2021 г.

**Ежемесячные денежные выплаты труженики тыла** -- выплаты произведены за февраль 2021 г.

**ветераны труда** - выплаты произведены за февраль 2021 г.

**реабилитированные лица** - выплаты произведены за февраль 2021 г.

**Государственные пособия семьям с детьми** -- ежемесячная денежная в связи с рождением (усыновлением) 1-го ребенка – выплаты произведены по февраль 2021 года.

-- ежемесячное пособие на ребенка - выплаты произведены за февраль 2021 года.

-- ежемесячное пособие по уходу за ребен-

ком до 1,5 лет для неработающих граждан -- выплаты произведены за февраль 2021 г.

единовременное пособие на рождение ребенка для неработающих граждан -- выплаты произведены за февраль 2021 года.

**ЕДВ на дополнительное пожизненное обеспечение участникам и инвалидам ВОВ** -- выплаты произведены за февраль 2021 г.

**Компенсационные выплаты на продукты питания участникам ликвидации аварии на ЧАЭС** - выплаты произведены по февраль 2021 год.

**Социальное пособие на погребение умерших граждан, которые не подлежали обязательному социальному страхованию и не являлись пенсионерами** – выплаты произведены по февраль 2021 год.

**Все выплаты произведены в полном объеме. Задолженности нет.**

**В случае возникновения вопросов можете обратиться в УСЗН.**

Отдел министерство внутренних дел по Дахадаевскому району обращается к гражданам района! В последнее время на территории Российской Федерации, в том числе и на территории Республики Дагестан, участились следующие случаи совершения мошенничеств с использованием мобильной связи и сети Интернет:

-под видом работника банка к Вам звонят обращаются по имени и отчеству, после чего сообщают, что в связи со сбоями в системе безопасности заблокировалась Ваша банковская карта, либо кто-то пытался несанкционированно списать с Вашего счета денежные средства, в связи с чем карта заблокирована и для ее разблокировки необходимо сообщить ее номер, срок действия, а также код безопасности, указанный на оборотной стороне. Получив указанные сведения от гражданина, преступник вводит их в любом интернет-сервисе по переводам средств между банковскими счетами, после чего просит назвать поступивший в смс-сообщении от абонента «900» пароль, который предназначен для подтверждения перевода Ваших денежных средств.

**(Ни один банк не проводит операции, свя-**

## ПОЛИЦИЯ ПРЕДУПРЕЖДАЕТ О ДИСТАНЦИОННЫХ МОШЕННИКАХ

**занные с разблокировкой, заменой и т.д. банковских карт, вне операционного офиса и без предоставления паспорта своего клиента. Информацию о Вашем имени и отчестве, а также последних 4-х цифрах номера карты, мошенник узнает в свободном доступе посредством приложения «Сбербанк онлайн», в случае если Ваш телефон «привязан» к банковской карте. При поступлении такой информации, сразу обратитесь в офис банка, не сообщайте никаких сведений по телефону и не производите никаких действий по указанию звонящего).**

-Вы разместили на одном из интернет-сайтов объявление о продаже товара. Вам позвонили и в ходе телефонного разговора пояснили, что намереваются приобрести данный товар, и просят номер банковской карты для перевода Вам денежных средств в счет оплаты стоимости товара, за которым потом якобы придет курьер. Получив номер банковской карты, звонивший поясняет, что у него банковская карта стороннего банка и что для перевода средств также необхо-

димо назвать срок ее действия, а также код безопасности указанный на оборотной стороне, после чего просит назвать поступивший в смс-сообщении от абонента «900» пароль, который предназначен для подтверждения перевода Ваших денежных средств на счет мошенника.

**(Никогда не сообщайте реквизиты своей банковской карты, для перевода предоплаты потенциальным покупателем, в случае если Вы продаете свое имущество через интернет!!! Для перевода денежных средств на счет любой банковской карты необходимо знать только ее номер, указанный на лицевой стороне. Срок действия карты, код безопасности, указанный с оборотной стороны, а также пароль, поступивший от банка в смс-сообщении, никому нельзя называть, в том числе работникам банка).**

Если же вы стали жертвой мошенничества, незамедлительно сообщайте в Дежурную часть полиции по телефонам «02», (с мобильного «102»), или по телефону дежурной части ОМВД России по Дахадаевскому району 8-964-017-43-28

**УР ОМВД по Дахадаевскому району.**

## Россияла «Софиум» биклуси Олимпиадала бутлакьянчи ретаур

Низам-кыяда диркнила масултала ва декларирнила бетуцла шайчибси лебил Россияла бучантала Олимпиадала ахирласи бутала баянти хясибли, Дахадаевла районна «Г. Абу-Бакарла училилси Уркухъла дахъал шалубар гимназия» МБОУ-ла ручан Патимат Хяжиева илала финалистка ретаур.

Мартла 1 ва 2-личиб Россияла дайхалара-сера регионтазибадди Москвализибси О. Е. Кутафинна училилси Университетлизиб (МГЮА) лебил Россияла «Софиум» биклуси Олимпиадала ахирласи бутализир бутлакьяндеш дарес багъандан бучанти цалабикиб. Аблизир бутлакьяндеш дариб чедирти классунала 99 бучантани. 48 дурхя 10-ибти классуназибадти ва 51 дурхя 11-ибти классуназибадтири илди.

Олимпиада дураберкибсири Россияла ЦИК-ла, Россияла Минпросвещения, Россияла Федерацияла субъектуназирти избирательтала комиссиябала ва ЦИК-лизибси МГЮА-ли глеббуцибси РЦИОИТ-ла кумекличил.

Дагъистайзиб, лебилра улкализибан, цаибил бутла бетерхурсири 2020 ибил дусла ахирличиб. Ил дураберкибсири гърахъдешлици бузнила тяхярлизиб ва деклар-декларти даражлумала викторина-балара олимпиадалара абзаназиб чедикибти ва призерти алавуцили. Олимпиадала регионна бутла дураберкибсири ДР-ла

Избирательтала комиссияли ДР-ла багъудила ва гилмула Министерствочил барх. Ил дураберкнила



мурад сабри финализиб дура-бурклуси олимпиадала бутализир бутлакьяндеш дарахъес багъандан кандидатуни чеббикни.

11-ибти классунала бучанти-ургабси ахирласи бутализир бутлакьяндеш дариб чеббиркнила бутализир чедикибси Уркухъла дахъал шалубар гимназияла ручан Патимат Хяжиеванира.

Дагъистайзирадси ручанни Олимпиадала абзла кел бутализир бутлакьяндеш дариб. Мартла цаличир тестанала журализирти кьянти хярбаркунни тамандирутири. Ила кадурхулри Россияли-

зир дурадуркунти избирательтала тяхяр-кыядала, выбортала ва референдумтала шайчирти иш-

бархила закон бузахънила тарихлизирадти масулти.

Кизил бутла мартла 2-личибри. Ил бетерхур хязла журализиб. Илар гъладихъибти хярбаркунни тамандарес багъандан абзла бутлакьянчибани избирательтала ихтиюртала ва бетуцла шайчирти мурхъти багъудлума чедаяхъес хяжатлири. Илдигунти масултаци вяхъегес вирусци сай выбортачир тамри дедлугхъели.

Илкыядали, Патимат Хяжиева гякълудагърила даража белгибирти абзанала баянти хясибли, Олимпиадала ахирласи бутализир финалистка ретаур.

## Гъатира сархибдешуни диаб!

Наб иш макъалализиб бурес дигулра Мяхячкъалала 59 ибил школала 4-ибил классла учан ГяхИмадхан ГяхИмадхановличила. Февральла ахирличив илала дудеш Расулличил ихтилатикунли калунра.

Ихтилатлизир белгидиуб, ил 10



дус виубси хярбукан уршила спортлизир диахъубти сархибдешуначила.

Ге, хярбукан урши. Илала хала дудеш ДР-ла урибси учитель

ГяхИмадхан ГяхИмадханов сай. Ил дила юлдашра сай ва бусягътала замана Хярбукла школала учительра сай. Ну дебали разивибра, виштПаси ГяхИмадха спортла шайчирти гъунарти мардирути дипломти ва грамотаби чедаяхъели.

- ГяхИмадхан, ху чум дус виубхели спортличил гъалмагъикибсири? – хярбиулрануни дарган мезли багъадур уршилизи.

- Шел дус виубхели. Гъалана-чив, ну куртликес бурсивизе вашули вираси, гур – футболла тренировкабачи, - чарбатур илини дарган мезли жаваб.

- Гъудурти журабазиб цацали бирхнила (смешанные единоборства) абзаначи вашес мурт вехъихъибсири? – даимбиулрануни ихтилат.

- ГяхИмадхай гъачам гъудурти журабазиб цацали бирхнила абзаначир бутлакьяндеш дарили ахен, - уршилис къадин жаваб чарбатур дудеш Расулли. – Байхъала дус гъалав ил «Динамо»-ла цаибил мер багъанданти някънякъли бирхлунти ( рукопашный

бой) республикала абзаначив чедикиб. Ил сабри ГяхИмадха спортла шайчибси бег гъалабси чедибдешра. Ишдусла февральла 21-личир Мяхячкъалализир детерхурти абзаначиб илини «Победитель супер-серии» биклуси грамотара сархиб.

- Дагъиста дурар детерхурти абзаначи ГяхИмадхан гъанналис вашули хергар, - викулра ну.

- Сейкулри гъари ху? Иш дусла январьла 31-личир Санкт-Петербурглизир детерхурти дунъяла халкъани-ургарти абзаначира вякунсигу дила урши, - пахруличил виклар Расул ва гъабуциб наб, урусла ва англияла мезли белкунси 3-эсил мер буцнила диплом.

Буралли, 10 дусла дурхяли сархибси чедибдеш марбириси документли уршила чумати урки-хял ва халаси цакъ лернилис бикъри-деш дирули сари.

Нуни уршилис халаси баркалла багъахъурра илгъуна багъадур виъни багъандан ва спортлизир гурра халати сархибдешуни далгунра.

Хяжимурад Ражабов.

# ШИЛА ГЯМРУ СЕЛЬСКАЯ ЖИЗНЬ

УЧРЕДИТЕЛЬ:

«Дахадаевла район» МО – ла администрация.

<http://selskayajizn.ru/>

сетевое издание

«Кала Корейш медиа»

e-mail: [inf.otdel7@mail.ru](mailto:inf.otdel7@mail.ru)

Тел: 55-40-71

1931-ибил дусличибад дурабулхъуси саби

Газета 2009 ибил дусла декабрьла 28-личиб массовая коммуникациябала, бархбасла ва культураласи букъур мяхкамбирнила шайчиб херуди бузахъуси Федеральная служба ДР-лизибси Управлениелизиб белкунси саби. ПИ № ТУ 5-0047

Газета дурабулхъуси саби жумягI бархИ.

Дусли 52-на дурабулхъан.

Индекс -- 63314

Печатьлизи къулбасбарес

кабизахъуси замана -- 16.00.

Печатьлизи къулбасбариси

замана -- 16.00.

Редакциялизи дархъибти белкунас рецензия луклуси ахен, я илди чула бегIгачи чардирути ахен.

Газетализи кадирхъути материалтала автортала пикрумачил редакцияла пикри цугхъебикесра асубирар

ДР-ла миллатласи политикала, информацияла ва дуралати бархбасунала шайчибси министерствола газетабала-журналтала типографиялизиб кабахъибси саби.

Адрес: 367018 Мяхячкъалала шагъар, Насрудиновла училилси къакъа, 61

Автортани чула материалтала хъекъдешлис ва бархъдешлис жаваб лугуси саби.

Редакцияла ва издательла адрес: Дахадаевла район, Уркухъла ши, Г. Гялиевла училилси къакъа, 9 "а"

ТИРАЖ –800 экз

БекI редактор

Чапарова М. М.

Редактор

Курбанова П. О.